


www.BibleForChildren.org


Matiu 26




Nipig sikis
əmə raməmir
ai tukpisor lafet
kape Pasova. Kini
Yesu rirerig-pən mɪn
Betani a imei Lasaros e
yame Yesu rimnor ramragh
mɪn ye nɪmhəyen. Kini Meri
rivəh botel ehue kirik
rukwar kin senta e kamni
kimə nad; nɪmrɪn rhaktə
pik. Kini məvit-pən ye nihu Yesu,
mivəh nɪmar nɪkwənen, mamrai-ta
kin. Nəmiəv senta rimnapien huvə ye
nəkwai nime mɪnə fam.



Kini Judas Iskariot, in yermamə kirik ye narmamə
twelef kape Yesu, rivən məm jif pris minə tuk norien
swatuk tuk neighan-pəniən kɪn Yesu
ye kwermiriə. Rivən məm əriə,
rikiriə ragien, kini kimnhani
mə tukhavəhsi-pən mane
kimin. Kini Judas rivən,
mamarə, mawhin
nipig tuk
neighan-pəniən
kɪn Yesu
kimi əriə.



Kini narmamə kape Yesu minə
khatərhav, misor naha nhagin
yame Yesu rimini mə tuksor tuk
nor-əpnəpənəyen ye nəviginien kape
Pasova. Kini kasəvigin hanə, Yesu
rivəh bred məhuak mini vi vi Kughen
tukun, makapir mivəhsi-pən kimi
kafan narmamə minə mimə,
“Sən. In e nıprak.”



Kini mivəh kap waen mini vi vi
Kughen tukun, mivəhsi-pən min
kimi əriə, kini mimə, “Kimiə m-fam
hanim. Nitawik e. Ramor nərigien
kape Kughen tuk nivəh-miraghien
narmamə tuk nuəyen məmir-ərhav.
Tukraiyyu mirisin ta təvhagə has kape
narmamə khapsaah.”



Kini Yesu rini-pən tuk Saemon Pita mə, “Kəsi. Saemon. Setan rinaiyoh-pən ta Kughen mə tukreighaan kin in pəh in ruə mivəhsi-pən vəhsi-pən kimi əmiə mor nahasien kimi əmiə mə tukəm-ru mə nhatətəyən kapəmiə riskai uə nikam. Mərig Saemon, yimnəhuak tuk ik mə kafam nhatətəyən tukripəh nimir-əgkəp-ien. Kini nipig nakamarar ye kafam nətərigien mamrerig-pə min, ik takaməkeikei mor nətərigien kape piam minə tukhaskai.”



Mərig Saemon Pita rini-pən tukun mimə, “Yermaru. Yakamərer matuk mə kirau mik. Tukvəhsi-pən pawk ərau ye kalabus uə tukhopni pawk ərau.” Mərig Yesu rini-pən tukun mimə, “Pita. Yakamni-pre tuk ik mə tuk yenpig, kwasig ikin man rəkakə, kini takni m-kisisər mə nakeinein Yo.”



Kini ai Yesu mine kafan
narmamə mine khavən
yerkwanu kirik, nhagin e
Getsemane. Kini Yesu
rini-pən tuk əriə mine,
“Kimiə taksekwətə eikin e.
Pəh yakvən aikin a
maməhuak.” Kini mine,
“Tatə, tukmə rikim ragien,
aweh, vəhsi-ta nəmhəyen
yamə mine tukpihauə. Mərig
takpəh norien ye nərigien
kafak; mor əmə ye kafam
nərigien.”



Kini jif pris minə mine Farisi minə kimisher-pən kin mobael minə tiksın kape nəmə Rom mine mobael minə tiksın yamə mine kasarha tuk Nimə Ehuə kape Kughen, khauə misəm Judas. Kini Judas rikir əriə mhavən yerki nəsımien a. Iriə kimnhapik kwensiə, mine laet, mine narımnar kape narowaginien. Kini iriə kirik rımnərai nımətirgi slef kirik kape jif pris kin nau. Mərig Yesu rımə, “!Ah! !Nəmhen! Səpəh əmə!” Kini In rırap nımətirgi kwən a kini mor huvə min.



Kini khauə mharaptərəkin Yesu mharəh mhavən imei
jif pris. Kini Pita rikwasig kin əriə, məriɡ ri pəh
nivən-pakəyen tuk əriə. Narmamə minə a
kimisher nap kirik ipakə
tuk nimə kape hae pris,
kini misəkwətə rao rao
kin nap. Kini Pita riven
məkwətə iriə miriə.



Məkneikin, yorwok
kirik kape hae pris, in
kwənərəus kirik kape
kwən a yame Pita
rimnərəruta nimətirgin,
rimini-pən tukun mə, “Rikik
raməsik mə yimnəm əmiru min
apa yerki nəsimien.” Mərig Pita
rimini-pən tukun mımə, “Pəh nien
mə yo.” Əmə məkneikin, man
rəkakə. Kini Pita rimatərhav
irue, rimnasək rimnasək.





Kini narmamə m-fam kape kaonsel
kimisarar mhakir Yesu mhavən kimi
Paelat. Kini Paelat raiyoh-pən mimə,
“?Rhawor? ?Ik king kape nəmə Isrel
uə?” Mərig Yesu rimini-pən tukun
mimə, “Nakamni əfrah.”
Mərig Paelat rorkeikei
mə tukririsin Yesu ramvən,
kini in mægkiar mın kimi əriə.
Mərig iriə kisokr-apomh pik

mın mhamə, “!Əsik-haktə in ye
nai kamarkwao kin! !Əsik-haktə
in ye nai kamarkwao kin!”




Kini Paelat rimneighan-pən kin
Yesu rivən ye kwermiriə, mə
mobael minə kape Rom
tuksarkwətərəkın-pən In ye nai
kamarkwao kin. Kini kharəh
Yesu mhavən. In atuk rinamrəh
nai kamarkwao kin, mhatərhav
mhavən ikin kirik, kamni kimə
Kerhə irə jir. (Ye nəgkiarien
kape nəmə Isrel, kamni kimə
Golgota).




Ye kwənmhaan atuatur a in a,
kimisarkwəterəkin haktə Yesu ikin ye
nai kamarkwao kin. Misarkwəterəkin
min yermamə kiraru.

Kirik ye nikarin
matuk; kirik ye
mawor. Kini
Yesu rimnəker
ye kwerkwan.



Kini ipakə tuk twelef klok yerkweiha, mirh ripəh
nəsiəyen, kini nəpignapien rimneiwaiyu-pə məmir
meriaji-pən tri klok yenaiyu. Kini ye nəkwai Nimə Ehuə
kape Kughen, kimiruk haktə
neipən kirik yame
kimnətapig kin Kwənmhan
yame Rəmərhakə Məmərhakə
pik. Neipən a rəhipu nipərin
kiraru. Kini Yesu rimnokrən
apomh mimə, “Tatə.
Yakamərəhu-pre
nimraghien kafak ye
kwermim.” Nipig
rimnəgkiar ta,
kini kafan neihagien ritərhav.



Josef, yemə Aramatia kirik, ritərhav-pə.
In yermamə kirik kape kaonsel
kapəriə, yame yermamə
kamhasiai in. Kini in mīn
rawhin narmaruyen kape
Kughen mə tukruə.
Ramgīn pawk, məriḡ
rimnarar mivən
məm Paelat,

maiyoḡ in mə
tukreighaan kīn
nīprai Yesu.



Kini Josef rivən mırəhsi-əhu nıpran ye
nai kamarkwao kin, mivən mivəh
nimri neipən huvə kirik muə
muvrig nıpran kin neipən a.
Kini mırəh mivən mərəhu
ye nəpag kapiə kirik
yame kinor huvə ta.
Kini mətapig
əswasig kin kapiə
ehuə kirik.



Kəni rikwamer kin, ye Sabat, jif pris
mine mine Farisi mine kimnhavən

misəm Paelat. Mhamə,
“Yemehuə. Rikimawə
raməsik mə nipig kwən
a, yermamə kape
neikuəyen
rimnamragh hanə,
mimə, ‘Nipig

kisisər

tukruə

mivən,

jakimraghmin

ye nimhəyen

kafak.’ ”




Kini khavən mīsor, masarha huvə tuk
nəpag kapiēr. Mīsor mak
kīn nehe kandel ye kapiēr
mə tukmə kəsue ta kīn
kapiēr, nehe kandel
tukrakapir, kini
mīsətu mobael
mīnə tukun.



Kini Sabat rinamor infamien. Kini
Sande, yenpig-yenpig əgkap,
Meri, pian Magdala, mine
Meri, mama kape Jemes
mine Joses, kravən apa
ye nəpag kapiet.

Məkneikin,
nimnimien ehue
kirik ravən, meinai


agelo
kirik kape




Məkneikin, nımınimien ehue kırık ravən,
meinai agelo kırık kape Kughen
Yermaru rıması faktə ye neiai
mivən ye nəpag kapien,
məsue ta kin kapien
mamkwətə aikin.

Mobaen minə
kimisəm, khagin
kin, misətəmnimin.

Mhamir masəmir
rəmhen kin yermamə
yame ruamhə.



Kini agelo a rini-pən tuk nīpiraovın
mīnə a mīmə, “Takrapəh nīraginien.
Yakirkun mə nakawarhakin
Yesu e, yame kimiruk haktə
In ye nai kamarkwao kin.
Mərig In rirkək ikin e.
Ruəmragh ta,
rəmhen kin yame
rimini.




Rauə mīwəm
tamhekin e
kimmərəhu ikin.”



Kini pia mir a kwaiyu pik miratərhav.
Mragin pik, mərig rikiriu ragien. Miravən
mə tukrəni-ərhav pən tuk narmamə
kape Yesu minə. Kimiravən hanə,
məkneikin Yesu ruə məm əriu,
mimə, “Rhuvə.” Kini kiraue tuk
Yesu, mawəker-pən ye nihun,
mawəgnəgin In.





Kasarə mamhavən, narmamə leven kape Yesu kasəvigin, Yesu ritərhav-pən mīn tuk əriə; kini mægkiar-pən skai kimi əriə meinai iriə khapəh nishatətəyən iran. Kini kaparhia kapə riskai pik. In rimnəgkiar skai pən tuk əriə meinai khapəh mīn nhaniyen nəfrakisien ye nəgkiarien kape narmamə minə tiksin yame kimisəm In, mamhani-ərhav mə rimimragh mīn. Yesu Yermaru raməgkiar infamien, Kughen rivəh In mhaktə mivən ye rao ye neai. Taktəkun ai, In ramkwətə ye kwermi Kughen matuk.



Ror məkneikin meinai Kughen rorkeikei
narmamə m-fam ye tanımtanə mher-pə
kin Yo, Tini kwənkwan kirikiane əmə,
mə narmamə yamə mine kashatətə
irak, tukhapəh nhamhəyen, mərig
tukhavəh nımraghien rerin.



Rom 3:23

meinai narmamə m-fam kasor təvhagə hah, kini masəvi-əkiə ye swatuk kape natuatukien kape Kughen yame rhuvə makhak.

Rom 6:23

Ror məknakin meinai nərokien kape təvhagə hah in nimhəyen; məriḡ nar yame Kughen ravəhsi-pə apnapig əmə kimi ətawə, in e nimraghien rerin yame ramsi-pən tuk Yesu Kristo Yermaru kapətawə.

Hibrus 9:27

Kitawə narmamə, Kughen rimnərəhu nipig yame narmamə kirikianə kirikianə tukhamhə iran, kini tukhamhə mikirikianə əmə. Kini kwasig ikin, In tukrəkir kapətawə norien minə.



Efesas 2:8,9

Meinai nihuvəyen kape Kughen in swatuk yame Kughen ravəh miragh əmiə iran, meinai nakashatətə iran. Pəh nien mə kimie atuk nimisor swatuk mə Kughen tukrivəh miragh əmiə- Kughen pisin əmə ravəh miragh narmamə, nərokien rikək iran. Pəh nien mə wok kirik yame narmamə kasor, tamə kisausit tukun.

Rom 10:9,10

mimə tukmə nakhani-ərhav ye nhermie mhamə Yesu in Yermaru, kini tukmə nakshatətə əfrakis yerkimie mfam mə Kughen rimivəh miragh Yesu ye nimhəyen kafan, kini Kughen tukrivəh miragh əmiə. Ror məkneikin meinai Kughen ramor narmamə kisatuatuk ye nimirin nipig kishatətə əfrakis iran yerkirie. Kini Kughen ravəh miragh narmamə nipig irie kamhanti-ərhav ye nherie mhamə Yesu in Yermaru.



Jon 3:16,17

Ror məkneikin meinai Kughen rorkeikei narmamə m-fam ye tanımtanə mher-pə kin Yo, Tini kwənkwan kirikianə əmə, mə narmamə yamə mine kashatətə irak, tukhapəh nhamhəyen, mərig tukhavəh nımraghien rerin. Pəh nien mə Kughen rımner-pə kin Yo Tini mə jakuə mivəhsi-pən narpınien kimi narmamə. Mərig rımner-pə kin mə Yo jakuə mor swatuk tuk nivəh-mıraghien narmamə ye tanımtanə.

1 Jon 5:11-13

In e nəgkiarien yame Kughen ramni-ərhav, mə Kughen rivəhsi-pə nımraghien rerin kimi ətawə, kini nımraghien e, kivəh tuk Tini. Narmamə yamə mine kamhavəh Ji Kughen yerkirie, irie kamhavəh nımraghien. Mərig narmamə yamə mine khapəh nhavəhyen Ji Kughen yerkirie, khapəh nhavəhyen nımraghien. Yakamrai nəgkiarien minə e kimi əmie yamə mine nakshatətə ye nhag Ji Kughen, mə kimie takharkun huvə mə nakwənhavəh ta nımraghien rerin.



Matiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tanna Southwest NT (nwi) © 2012, Wycliffe Bible
Translators, Inc. All rights reserved.

<https://www.bible.com/bible/485/MAT.1>

©2026 Bible for Children, Inc.

www.M1914.org

www.bibleforchildren.org

